

NIGITIWATAALE NIWAKATE TIMÓTEO

Niḡijo Paulo naḡa idí naḡadi liwakatetigi Timóteo, idei niwilogonaḡaxi digoida nigotaḡa Roma. Paulo ja yowoḡodi moyeloadi niḡicoa nokododi. Diniwilo leeḡodi me diotece Jesus. Naḡadi liwakatetigi Timóteo owidije me lidie maleedaḡa oyeloadi. Paulo didikotibige Timóteo eotibige midioka limedi me dinoniciwaḡadi me nakato Goniotaḡodi, codaa dipokota Timóteo me dinaḡeticogi minitaḡa maleedaḡa oyeloadi.

Paulo yecoaditibige Timóteo, codaa me diniotaḡodetalo Aneotedoḡoji leeḡodi Timóteo, codaa yeloḡodita midioka limedi me dipokoteloco niḡina me yotaḡaneḡe Aneotedoḡoji. Codaa aaḡaḡa eo loniciwaḡa Timóteo me daḡa niboliḡa me diotece Jesus, miḡetaḡa leeḡodi Paulo me diniwilo. Pida eo loniciwaḡa midioka limedi meliodi me nakato Goniotaḡodi, codaa midioka limedi me diiḡaxinaḡatece niḡijoa Paulo baanaḡa iḡaxitece. Paulo eo loniciwaḡa Timóteo me dinatitalo lawikodico micataḡa daḡa niḡina niodaḡawa Cristo anele. Paulo eledi yalaḡata niḡica ane leeditibige modaḡee Timóteo mijo me nowienoḡodi loiḡi Cristo. Eo leemidi Timóteo leeḡodi anodaḡeeteda lakataḡa niḡica oko nigowidijedi nokododi. Paulo yalaḡata midioka limedi meo ane liiḡenatakaneeḡi Goniotaḡodi idaḡee mowidi lawikodico, oada Goniotaḡodi icota me yajigote ane laḡajegitetema.

Paulo yecoeditibige Timóteo

¹ Ee Paulo, ee liigexegi Jesus Cristo, leegodi jigidaa ane yemaa Aneotedogoji. Jesus Cristo idiige me jeloḡoditibece Aneotedogoji me ligegi me yajigote lewiḡa ane diḡica liniogo niḡina oko anoyexogotege Jesus Cristo.

² Timóteo, jiwakateetibigagaji naḡadi iwakate notaganagaxi, akaami ane micataḡa degewi makaami ionigi, eliodi me ḡademaani.

Jemaa Aneotedogoji Godiodi, codaa me Goniotagodi Jesus Cristo midioka limedi meletaḡadomi, codaa midioka limedi metiḡadiwikodeni, codaa midioka limedi mowo ḡadaaleḡena mele.

Paulo diniotagodetalo Aneotedogoji codaa me iladee Timóteo

³ Idioka limedi me iniotagodetalo Aneotedogoji, ane ee liotagi digo mijotaḡa niḡijo jotigide yaamipi modibatema, idioka limedi me jeemitetece me diḡica ibatiigi catiwedi yaaleḡena. Codaa idioka limedi me jotaḡaneḡe Aneotedogoji noko, codaa menoale. Niḡina me jotaḡaneḡe Aneotedogoji, odao jipokotalo me ḡadaxawani.

⁴ Nalaḡatibigiji meliodi manoenitibece niḡijo naḡa jawalacaḡatiwage. Joanigidaa leegodi meliodi me jemaa me ḡadatitace, amaleeḡaḡa eliodi me idinitibeci.

⁵ Eledi nalaḡatibigiji mewii me iwaḡati Goniotagodi, aḡokawii me iwaḡati. Anakatoni Goniotagodi digo anee eliwaḡatakanegegi ḡadami Lóide, ajaa ḡadiodo Eunice. Ajawienataka me niḡidaagee ḡatiwaḡatakanegegitema Goniotagodi,

digo mijotağa meniwağatakanağa ağica değeyamağaticoace.

6 Leeğodi midioka limedi manakatoni Goniotağodi, jemaan manalakitibige mabakeni gađixakedi ane yajigotedağawa Aneotedoğoji niğijo nağa jipeketağaloco ibaagatedi me gađiomagađitema Aneotedoğoji libakedi.

7 Iğaatağa Aneotedoğoji anajigotedoğowa niwigo aneo moko ageleemagipi, pida najigotedoğowa Liwigo aneo gađoniciwaga, codaa meo me jemaanağa eledi oko, codaa meo me idinajacağatağatema niğinoa lidagađatata gađolaadi codaa me gađowooko.

8 Enice jinağa aniboliki meloğotitedibece nibodicatedi anele aneetece Goniotağodi, codaa jinağa anibolitikici me ee niwilogoğegi leeğodi me ee liotaği Goniotağodi. Pida leeditibige me gađigomi mawikodeetema niğinoa gađawikodico anenagi leeğodi me jeloğotağatedibece gađodicatedi anele, digo analeeğeji me jawikode. Iniaağiniwa Aneotedoğoji yajigotedağawa gađoniciwaga me ixomağateenitediğo niğinoa gađawikodico midokee matiteti.

9 Aneotedoğoji gađewikatiditace, codaa eniditedoğowa gađiomagađatidedice moko nepilidi. Ağađewikatiditace dağa leeğodi minoa gađoenataka anele, pida gađewikatiditace leeğodi epaa yemaan, codaa idioka limedi meletedoğodomi. Aneotedoğoji aniğica dağa yoe niğina iığo nağa lowoogo meletedoğodomi leeğodi niğijo loenatağitedoğodomi Jesus Cristo.

10 Niğina natigide, Aneotedoğoji ja

nikeetedogowa meletedogodomi leegodi nigijo menagi Goniotagodi Jesus Cristo ane Gonewikatitogodi. Ja yaagadi nigijo loniciwaga néмага, odaa ja nikeetedogowa gonimawenegegi me jakataga godewiga ane digica liniogo miniwataga Aneotedogoji, nigijo naga yelogoditedibece gobodicetedi anele.

¹¹ Aneotedogoji eote me ee liigexegi, eotedibige me jelogoditedibece gobodicetedi anele, codaa me jiiḡaxinagatece lotaga.

¹² Joanigidaa leegodi minoa niginoa yawikodico digoina niwilogonaḡaxi, pida aidiboliḡa me idiniwilo. Leegodi eliodi me jowoogodi Niḡijoa anejiwagadi, odaa leegodi me jowoogodi, ajawienataka me yakadi me yotete ijotawece nigijo ane jajigotalo nigepaaḡicota noko nige dopitedijo Cristo.

¹³ Oleetibige midioka limedi moteteni niḡijoa iiḡaxinaganeḡeco ane jelogoditedaḡawa, codaa niḡina mawinitibigelogo niḡijoa niḡaxinaganeḡeco, iwitece micataga niḡina ḡowinigijegi ane inowikoḡogota. Odaa oletibige midioka limedi manakatoni Goniotagodi, me daḡamiḡitice, codaa memaani eledi oko leegodi me ḡadexocitege Jesus Cristo.

¹⁴ Abakeni loniciwaga Aneotedogoji Liwigo ane digeladetigi catiwedi ḡadaaleḡena moteteni niḡaxinaganeḡeco anele ane jajigotedaḡawa Aneotedogoji.

¹⁵ Joḡowoogoti me daḡaleeḡica mowootibigiji iditawece ḡonioxoadipi ane niḡeladimigipitigi macatagateloce Ásia. Fíḡelo ijaa Hermógenes eledi idi liwigotigi pida aḡaleeḡaḡica mowotibigiji.

¹⁶ Jemaa Goniotagodi midioka limedi me iwikode Onesíforo loigiwepodi, leegodi eliuditibece meo yoniciwaga, codaa agica daga niboligatici me ee niwilogojegi.

¹⁷ Pida nigijo negetoticogi nigotaga Roma, odaa agica daga dinopagadi, odaa ja doletibigiji negepaa idakadi.

¹⁸ Jemaa Goniotagodi me iwikode Onesíforo nigica noko nige dopitedijo Cristo. Eliodi mowoogoti meliodi me idaxawa midiaagejo digoida nigotaga Éfeso.

2

Ica iodagawa, icaagica nalokodegecajo, icaagica nawodagana

¹ Akamagakaami Timóteo, ane micataga degewi makaami ionigi, ele midioka limedi manakatonni Goniotagodi, codaa meloodagateeni gadaalegena, leegodi Cristo idioka limedi meletedagadomi. Eletedogodomi leegodi me godexogotege.

² Odaa nigijoa niigaxinaganegeco ane jiiigaxitedagadici, anajipaatalo codaa eliodi oko aagaga owajipatalo, nigijoa niigaxinaganegeco iigaxinitece niginoa goneleegiwadi ane yakadi me jinakatonaga, amaleegaga oyakadi moiiigaxiteceeledi oko.

³ Ixomagateenitedijo niginoa ane dakaketagadomi mikeeni makaami nigina Jesus Cristo niiodagawa anele.

⁴ Nigina iodagawa me diwitide, doletibige meo me ninitibece nigijo ane iomagaditice me iodagawa. Joanigidaa leegodi me dagadiaagica

meote niḡinoa eletidi nibaketedi anowote me dinigaanyetece dinyeelo.

⁵ Codaa niḡina nalokodeḡecajo aneo loniciwaḡa me dinigaanye, adinigaanyetece lale ane noḡete, nige daḡa dioteci icoa ane lakataḡa ica nalokodeḡecajo. (Odaa leeditibige madinoniciwaḡati awii liciagi niḡijo nalokodeḡecajo).

⁶ Niḡina nawodaḡanaḡa aneliodi me diba, joaniḡiniaa leeditibige modoejegi me dibatege ane niwai. (Akaami adinoniciwaḡati awii liciagi niḡijo nawodaḡanaḡa, odaa jaḡabaatege ḡanaḡajegi.)

⁷ Owoo niḡinoa anejitedaḡawa, odaa Goniotagodi eote mowoḡoti ane diitigi inoatawece niḡinoa ane jeloḡoditedaḡawa.

⁸ Analakitibige Jesus Cristo, anida aneetetege Davi licogeḡi, me yewiḡatace, niḡijo me yeleo. Joaniḡinaaḡinoa ḡobodicetedi anele ane jatematitedibece, oneloḡoditoḡowa Jesus Cristo me yewiḡatace.

⁹ Etidigoetece galeenatedi micataḡa daḡa ee ḡonematagodi, odaa ja jawikode leeḡodi me jatematitedibece ḡobodicetedi anele. Pida baadiḡica ane yakadi me igoetedi Aneotedoḡoji lotaḡa, niḡinoa ḡobodicetedi anele.

¹⁰ Joaniḡidaa leeḡodi me idinatitalo inoatawece yawikodico leeḡodi niḡina oko Aneotedoḡoji ane iomaḡaditedicoace me nepilidi amaleeḡaḡa oyakadi moyexogotege Goniotagodi, odaa jiḡida lewiḡa miniwataḡa Jesus Cristo, codaa moyakadi moiweniḡide midioka limedi

modinawanagaditege, anigida noko nigototalo.

¹¹ Niḡida nigegi ewi niḡijo mee,
 “Niḡina nige ḡodemagawa Cristo,
 oḡaa ḡodewiḡatace oḡaa idejonagate miniwataḡa.

¹² Niḡidioka limedi me idinatiḡatalo niḡinoa
 ḡodawikodico,
 oḡaa jaḡaḡeote ḡonagatetigi me
 ḡodiiḡenatakanagawa Cristo.

Pida nigejinaga me diḡica anejinagatege,
 oḡaa nebi aagagaee me daḡa ḡodowoḡoditeda.

¹³ Nige daḡadiaaḡejiwagataḡa lotaḡa,
 pida idioka limedi meote niḡijo ane ligegi
 (oḡaa iwi anigotedoḡowa)”.

(Leḡodi ayakadi daateḡeote niḡijo ane ligegi.)

*Ica nibakecajo aneo Aneotedoḡoji me ninited-
 ibece*

¹⁴ Awii niḡina anonakato Goniotaḡodi
 monalaḡatibige niḡijoa iiḡaxinaganegeco. Ajoini
 Goniotaḡodi lodoe me daḡadiaa nidelaḡa leḡodi
 niḡinoa notaga ane doḡoyowoḡodi ane diitigilo,
 iḡataḡa niḡina me dinotigimade ayaxawa
 oko anowajipatiogi, pida beḡeo me daḡadiaa
 eniwagatakanaga.

¹⁵ Adinoniciwagati madinikeeni lodoe
 Aneotedoḡoji micataḡa niḡica nibakecajo
 Aneotedoḡoji ane yakadi mele, ane daḡa
 niboliḡatece libakedi, ane iḡenaga me
 diiḡaxinagatece Aneotedoḡoji lotaḡa anewi.

¹⁶ Pida oxaxini jinaga adinotigimadenitege
 niḡina oko ane dinotigimadetiwage leḡodi
 niḡinoa notaga ane diḡica jaḡate, niḡidi oko
 ane doḡodeemitetibige Aneotedoḡoji. Iḡataḡa

nigina me dinotigimadetiwage, owo eledi oko mepaanaga leegita me yetecetedice Aneotedofoji.

17 Liigaxinaganegeco ane degewiteda ja yaagadi eliwagatakanegegi, micataga nigina nilotapagajegi ane daga ici ane yelio gobole. Himeneu, ijaa Fileto itoataale niigaxinaganadi ane lemaanigi modinotigimadetege eledi oko, codaa modiiigaxinagatece ane degewi.

18 Nigijoa itoataale goneleegiwadi oika nigijoa niigaxinaganegeco anewi, codaa me naigi Goniotagodi jogoika anepegewi, odaa jogodiigaxinagatece Aneotedofoji naga ixomagatice me yewikatiditace oko, odaa agaleegeote me godewigatace. Joanigidaa mido oko anoyaagadi eliwagatakanegegi.

19 Pida nigijoa niigaxinaganegeco anewi Aneotedofoji ane najigotedogowa adiniigi. Micataga nigina lipodagaladi diimigi Aneotedofoji ane ixotedio, ane datite, ane daga digike. Aneotedofoji micataga daga iditedeloco lotaga miditaga nigijo lipodagaladi diimigi, nigijoa lotaga anee,

“Goniotagodi Aneotedofoji yowoogodi ijotawece nigijo anida aneetege”,

codaa ijo eledi ligegi anee,

“Ijotawece anodi mida aneetege Goniotagodi, leeditibige moika libeyacegeco.”

20 Nigina diimigi-nelegi, liico ligeladi, ada boote idaa baxia oolo, codaa me beexo. Codaa idiwa eletidi бага iwogo, codaa me napaloaga. Nigijo ane nebi diimigi idoka ibake nagajo boote oolo, anaa beexo nigina mido lalokegi, ogoa, domige nigina mini lanaaga ane dagaxa me gonegegi.

21 Nigica oko ane daḡa dioteci niḡijoa niḡaxinaganegeco ane degewiteda, aneo oko me nibataaḡa, niḡini oko liciaceekawa naḡajo boote idaa baxia oolo, anaa beexo, aneliodi niwaló. Niḡijo oko aḡalee liciaceekawa naḡajo boote iwoḡo inaa napaloaḡa ane degeliodi niwaló. Digo mijotaḡa niḡijo ane nebi diimigi me iomaḡaditedice niḡijoa bootitedi ane daḡaxa me diniwaloe, jiḡidaaḡee Aneotedoḡoji me iomaḡaditedice niḡijo oko ane daḡa dioteci niḡijoa niḡaxinaganegeco ane degewiteda, eotedibige me yakadi me ibake niḡini oko mepoka dibatema. Niḡini oko ja igotema Niotagodi me ibake, codaa ja dinenyaaḡadi meo okanicodaaḡica nibakedi anele.

22 Enice oxaxini niḡinoa lidekeco ḡodolaadi ane beyagi lionekadi anidioka limedi moyemaa mowote. Pida adinoniciwaḡati madineḡenaḡati, codaa oletibige midioka limedi manakatonni Goniotagodi, codaa memaani eledi ḡonioxadipi, codaa me ḡadilakiitege eledi oko. Jiḡidaa nige ḡadiciagi niḡijo ane yapidi laaleḡenali anodipokotalo Goniotagodi me yaxawatediogi.

23 Pida oxaxini adaḡadinotigimadenitege niḡina oko ane dinotigimadetiwaḡe leeḡodi niḡinoa notaaḡa ane deḡeleteda, ane diḡica jaḡaḡa, igaataḡa joḡowoḡoti niḡina oko dinotigimade nigepaa nidelaḡa.

24 Leeditibige niḡina liotaḡi Goniotagodi me daḡa didele. Pida leeditibige mokaḡegitema inatawece oko, codaa me yowoḡodi anigota me diḡaxinagatece Aneotedoḡoji lotaaḡa, codaa leeditibige me dinatitiogi niḡina oko anodoletibige modinotigimadetege.

²⁵ Eledi leeditibige me diniwikodetibece niɓina me dinilakidetege niɓina ane doɓoiite. Ijoatibige Aneotedoɓoji daga yaxawa modinilaatece libeyacegeco, odaa joɓoyowoogodi niigaxinaganegeco anewi.

²⁶ Odaa jigidaagee niɓica oko nige yakadi mopi-taceloco mele me dowooko, codaa ja iwoko diaabo eloona, ane yatitiogi niɓina oko meotibige mowo niɓica ane yemaa.

3

Anodaageeteda niɓicoa owidijedi nokododi

¹ Timóteo, ele mowoogoti anodaageeteda niɓicoa owidijedi nokododi, maleedaga yaagaditeda Aneotedoɓoji niɓina iigo, jinataga owidi niɓicoa ane doide.

²⁻⁴ Igaataga digawini anodaagee niɓica oko niɓicoa nokododi: Adodigomadadi, dagaxa moyemaa dinyeelo, codaa modi minoa nimawenegeco, anaɓaxakenaɓaga, lemaanigi moiwoeledi oko. Codaa aɓoyiwaɓadi eliododipi, aɓodiniotagodetemaeledi oko, aɓodeemitetibige Aneotedoɓoji, aɓoyemaaeledi oko, otegeɓaɓaga oiwikodeeledi oko. Codaa owo liwitakegitigieledi oko, adinajacaɓaditema niɓinoalidagataka lolaadi ane beyagi, codaa loidenaɓa, codaa odakapetege anele. Ayakadi me jinakatonaga niɓina oko liciagi, yediiga mowo loenatagi ane beyagi anowookonaɓa. Niɓica oko odiletibige degeletibigiwaji caticedieledi oko, nalokecajoli, pida baadoɓoyemaateda Aneotedoɓoji.

⁵ Niɓidi oko onowo modioteci naigi anewi, pida aɓoika Aneotedoɓoji me ibake loniciwaɓa me iigi

anee me newiḡa. Timóteo, jiniḡipečitiogi niḡina noiḡi liciagi.

⁶ Iḡaataḡa initibece niḡidiwa ḡoneleegiwadi oninaaletiniwace oko owotibige moyakadi modakatiwece niḡinoa diimaḡa. Odaa joḡoyakadi moiḡe lewiḡa niḡinoda iwaalepodi ane diḡica mele lowoogo, ane daḡa leegitibige mowo ane beyagi. Iḡaataḡa niḡidi iwaalepodi oyemaa modioteci niḡinoa lidaḡataka lolaadi ane beyagi.

⁷ Niḡidi iwaalepodi idioka limedi modoletibige moyowoḡodi okanicodaḡica gela nakatigi, pida ḡica nimaweneḡegi doḡoyowoḡodi niḡaxinaneḡeco anewi, codaa ḡoyakadi moyowoḡodi Aneotedoḡoji.

⁸ Niḡijo jotigide ijoa itoataale oxikonagaḡa ane liboonagaḡedi Janes ijaa Jambres nakapetegi Moisés aneetece lotaḡa Aneotedoḡoji. Idaaḡee niḡinoa ḡoneleegiwadi abey-acagaḡa modakapetege niḡaxinaneḡeco anewi. ḡaleeḡica degele lowooko, oteḡexaaḡaḡalee oyiwaḡadi niḡaxinaneḡeco ḡotiwaḡatakaneeḡegi.

⁹ Pida niḡida libakedi ḡica aneletema, iḡaataḡa inatawece oko icota monadi me yetoledi, digo anee niḡijo jotigide niḡijo oko noḡonadi Janes ijaa Jambres me yetoledi niḡijo naḡa nakapetegi Moisés.

Owidijedi Paulo ladeenaneḡeco

¹⁰ Pida akamaḡakaami Timóteo jiḡiwitece niḡijo ane jiiḡaxitaḡadici, codaa eledi jiḡiwitece an-odaḡeji me idewiḡatema Jesus Cristo, owoḡoti niḡica anidioka limedi me jemaa me jaotema

Aneotedoꝑoji, codaa me jinakato, owooꝑoti anodaagee me idinatitiogi niꝑijo oko yakapedipi, codaa owooꝑoti me digicaadaꝑa jemaa niꝑina oko, eledi owooꝑoti me jixomaꝑateetedijo ijoatawece ane dakaketomi leeꝑodi ibakedi.

¹¹ Niꝑida makaami owooꝑoti monigaalatibici domoꝑowo anodigotiwa, codaa owooꝑoti anodaa yawikodigi midiwa nigotadi Antioquia, Icônio, Lистра. Eliodi monigaalatibici me domoꝑowo anodigotiwa, codaa eliodi me jawikode. Pida Goniotagodi idatamaꝑateetetege ijoatawece niꝑijoa yawikodico.

¹² Ewi okanicodaaꝑica oko anidoka yemaa me yewiꝑa me yexogotege Jesus Cristo, niꝑini oko oigaalatibece odoletibige mowo anodigota, codaa me dawikode.

¹³ Pida niꝑina oko ane beyagi, codaa niꝑina oko anokowo monakato Goniotagodi, niꝑidi jeꝑepaanaꝑa owo ane beyagi. Codaa ja daꝑaxa moninaaletiniwace oko, codaa mepaa dininaaletibigiwaji.

¹⁴ Pida akamaꝑakaami Timóteo idioka limedi me iwaꝑati codaa me iwitece niꝑijoa niꝑaxinagaꝑegeco anewi anadiniꝑaxinitece, ane iwaꝑati, igaataꝑa owooꝑoti niꝑijo oko anetiꝑadiꝑaxinitece niꝑijoa niꝑaxinagaꝑegeco.

¹⁵ Ele mowoꝑoti leeꝑodi niꝑijo maleeꝑakaami nigaanigawaanigi noꝑowoꝑoti niꝑinoa notaga ane icogotedigi miniwataꝑa Aneotedoꝑoji, codaa natigide. Niꝑidiwa notaga ꝑadiꝑaxinitece, anida loniciwaga meo ꝑadixakedi manakatoni Goniotagodi. Aneotedoꝑoji anodaꝑigote me yewikatiditace niꝑina oko aneyiwaꝑadi Jesus

Cristo.

¹⁶ Igaataḡa idiwatawece lotaḡa Aneotedoḡoji anoiditedini niḡijoa ḡoneleegiwadi niḡijo naḡa ikeetediogi Aneotedoḡoji Liwigo niḡica ane leeditibige moiditedini. Ele me jibakenaḡa lotaḡa Aneotedoḡoji me jiḡaxinaḡa oko me jikeenagata libatico, codaa me joxokojogo niḡina oko, codaa me jiḡaxinaḡa me dineḡenaḡadi.

¹⁷ Joaniḡidaaḡee me jibakenaḡa Aneotedoḡoji lotaḡa, jaogatiḡige niḡina oko anowo libakedi Aneotedoḡoji mida lixakedi ane yopotigi me dibatema Aneotedoḡoji, codaa me igotema meo okanicodaagica nibakedi anele.

4

Paulo iḡe Timóteo me iḡenaḡadi me yeloḡodi Aneotedoḡoji lotaḡa

¹⁻² Eliodi me ḡadajoini lodoe Aneotedoḡoji iniaa Goniotaḡodi Jesus Cristo, Niḡijoa ane iwi anigoteta inatawece oko, niḡina baḡalee newiḡa codaa me niḡijo baanaḡa niḡo. Leegodi Jesus Cristo me dopitedijo oḡaa iḡe inatawece niḡina oko, ḡadajoini me eloḡoti Aneotedoḡoji lotaḡa. Ele midioka limedi me ḡadigomi meloḡotitedibece lotaḡa Aneotedoḡoji, niḡina me eni mele, codaa niḡina makati me daḡa domeḡele. Eleditace, adinatiita niḡina oko, codaa iḡaxinitece lotaḡa Aneotedoḡoji niḡina me enitece libeyaceḡeco oko, codaa niḡina mikeenitiogi libeyaceḡeco, codaa awii loniciwaga moika libeyaceḡeco, amanagawini odopitalo Aneotedoḡoji.

³ Igaataḡa icotalo nokododi niḡina oko me daḡaleeḡowajipatalo niḡinoa niḡaxinaḡaneḡeco

anewi. Pida odioteci niḡica anepaa lidaḡataka lolaadi. Jeḡepaanaḡa odoletibige niḡaxinaḡanadi anodiḡaxinaḡatece aninokina anoyemaa niḡina oko mowajipata.

⁴ Oika mowajipata niḡinoa niḡaxinaḡaneḡeco anewi, pida owajipatalo latematiko niḡinoa lax-okodi laamipi ane deḡewiteda.

⁵ Pida akaami baḡa leeditibige madina-jacaḡati niḡina mida okanicodaḡica ane dakaketaḡadomi, codaa madinatiita niḡinoa ane dakaketaḡadomi, codaa mawii ane ḡabakedi meloḡotitedibece nibodicetedi anele aneetece Cristo, codaa magoti ḡabakedi Aneotedoḡoji ane yajigotedaḡawa mawii.

Paulo nibeotege ica noḡeedi anigida noko nige yeleo

⁶ Awii niḡijo ane jajoitaḡadici, igaataḡa emeḡeeta ja idigo me ideleo leeḡodi Cristo, codaa ja niḡepi noko me jopitibigimece ditibigimedi.

⁷ Idioka limedi me idinoniciwaḡadi me joletibige me jiḡeke loniciwaḡa ane beyagi. Ineliwaḡaditedini inokododi micataḡa niḡina nalokodeḡecajo anele me walokodi, odao ja nigotini me walokodi. Joanigidaḡeji idioka limedi me jotete codaa me jiḡaxinaḡatece niḡaxinaḡaneḡeco ḡotiwataḡakaneeḡegi.

⁸ Odao niḡina natigide jakadi me inibeotege niḡica noḡeedi anodibatege niḡina oko naḡa gaanyaḡa. Niḡica ḡonoḡeedi one ḡodale ane ikee Goniotagodi me yakadi me ḡodeḡenaḡa. Goniotagodi ane Goniwinogodi ane iḡenaḡa, Joaniginiḡaa najigotediwa naḡaca yale lodoe niḡica oko,

nigica noko nige iwi anigotediogi inatawece oko. Goniotagodi aagemoka najigotediwa naḡaca yale, pida yajigotediogi lale inatawece oko ane daḡaxa moyemaa me age meno lanokegi Goniotagodi.

Paulo ibodicaxi Timóteo

⁹ Awii ḡadoniciwaga me age managi meetaḡa.

¹⁰ Igaataḡa Demas daḡaxa me yemaa niginoa aninoa digoina iigə, anepaga dinelio, odaa ja idaladi, joḡopiticogi nigotaḡa Tessalônica. Crescente boḡopiticogi macataḡateloco Galácia, Tito biḡigo macataḡateloco Dalmácia.

¹¹ Iniokini Lucas biḡini digoina meetaḡa. Oleetibige Marcos, odaa ḡadixigaḡawa leegodi baḡa yakadi me idaxawatece niginoa ibaketedi.

¹² Ja jimonyaticogi Tíquico manitaḡa nigotaḡa Éfeso.

¹³ Niganagi, anadeegitatiwa naḡajo iniwetaḡajo ane joya minitaḡa Carpo digoida nigotaḡa Trôade. Eledi jipokotaḡawa manadeegi yotaḡanaḡaxiidi, pida enegegi jopotibige nigijoa notaḡanaḡaxiidi laamotiidi ewacogo.

¹⁴ Niḡijo ḡoneleegiwa ane liboonagaḡadi Alexandre niḡijo anani laxacoḡonaḡaxi lajo ḡapileceḡe, owidi loenatakatomu ane beyagi. Pida Goniotagodi epaa dinilakidetetege leegodi niḡijoa loenatakatomu ane beyagi.

¹⁵ Akaamieledi adowetitibige niḡijo ḡoneleegiwa, leegodi eliodi me dakapetege niginoa notaḡa ane jeloḡotaḡatedibece.

¹⁶ Niḡijo odoejege me idinikee lodoe ḡoniwinogodi me ininigodi niḡijoa notaḡa anodakapetigi, aḡica ane idinienagaḡeḡe, pida

iditawece niḡidi oko etidikatice. Pida ajemaa Goniotaḡodi daḡa laaḡetedipi niḡijo oko leeḡodi metidika.

¹⁷ Pida Goniotaḡodi iniwa meetaḡa, idinienagaḡeḡe, oḡaa najiḡotediwa yoniciwaḡa me jeloḡodi nibodicetedi anele aneetece Cristo. Oḡaa inatawece niḡina oko ane daḡa judeutedi digoina meetaḡa owajipatalo yotaḡa. Joaniḡidaaḡiḡotediwa Goniotaḡodi me idatamaḡateeteteḡe ane doide, liaon nioladi.

¹⁸ Goniotaḡodi idatamaḡateeteteḡe inoatawece ane beyaḡi, codaa jowoḡodi me idadeeḡit-edibigimece ninioxadi digoida ditibigimedi. Oḡaa jemaa midioka limedi minatawece oko onelecaḡatee Liboonaḡadi Goniotaḡodi. Jiḡidaaḡee (Amém).

Owidijedi lotaḡa Paulo me dibodenaḡa

¹⁹ Jemaa me idecoaditibige Priscila ijaa Áquila, codaa me loiḡiwepodi Onesíforo.

²⁰ Erasto baḡa nenyagaḡi manitaḡa niḡotaḡa Coriinto, Tróximo idiaa jaladite manitaḡa niḡotaḡa Mileto leeḡodi deelotika.

²¹ Ina baḡawii ḡadoniciwaḡa manootiwa maleedaḡa limedi niwetaga. Êubulo, Prudente, Lino, Cláudia, codaa inatawece eledi ḡonioxoadipi oyecoaditibigaḡaji.

²² Jemaa Goniotaḡodi Jesus Cristo midioka limedi me noiḡiwa ḡadiwigo. Codaa jemaa midioka limedi meletedaḡadomitiwaji. Oḡaa joaniḡidaaḡee.

Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 18 Apr 2025 from source files
dated 29 Jan 2022
7128a549-e957-5460-8c56-0f5281edf264